

四庫全書

集部

欽定四庫全書

宋詩紀事卷三十

錢塘厲鶚撰

劉季孫

季孫字景文贈侍中平之子以左藏庫副使爲
兩浙兵馬都監蘇軾薦其才除知隰州仕至文
思副使有集

題饒州酒務廳屏

呢喃燕子語梁間底事來驚夢裏閒說與傍人渾不解

杖藜攜酒看芝山

石林詩話王荊公爲江東提刑巡歷至饒按酒務始至廳事見屏間題詩云云大稱賞之間專知官誰所作以李孫對即召與之語嘉嘆升車而去不復問務事既至傳舍適郡學生持狀立庭下請差官攝州學事公判監酒殿直一郡大驚遂知名云

次韻黃魯直同游郭氏西園

雨過西園物物佳柳風竹日掩葵花更無人迹宜清睡
奈此池頭一部蛙 史容山谷後集注

守關

晨雞三叫未開關
留住行人更解鞍
卻上月明高處立

曉風吹面作清寒

宋文鑑

陪東坡中和堂賞月

中和堂上月盛夏似高秋天瀉銀河水人披紫綺裘氣
飄聞赤壁語勝誦黃樓歸袂接夫子適從何處遊

咸淳
臨安

志

寄蘇內翰

倦壓鼈頭請左符笑尋頰尾爲西湖二三賢守去非遠

六一清風今不孤四海共知霜鬢滿重陽曾插菊花無
聚星堂上誰先到欲傍金樽倒玉壺

石林詩話李孫平之子能作七字詩家藏書數
千卷爲杭州鈴轄子瞻作守深知之後嘗以詩
寄子瞻云四海共知霜鬢滿重陽曾插菊花無
子瞻大喜在潁州和季孫詩所謂一篇向人寫
肝肺四海知我霜鬢蓋記此也

題子瞻揚州借山亭

給事風流在虛亭景趣閒全臨故宮水盡致別州山峯
勢時相向嵐光夜不還無時供勝賞歷歷白雲間

以上
瀛奎

律髓

越山寺看泉

龜溪有路蓮花引鷺嶺無時雲霧生聊放一身留舴艋
不逢人處聽泉聲 吳氏詩永

句

詩書魯國真男子歌吹揚州作貴人

送孔宗翰知揚州
石林詩話

賈 收

收號耘老烏程人有詩名喜飲酒其居有水閣

曰浮暉李公擇蘇子瞻與之遊倡酬極多蘇去
收作亭以懷蘇名有詩一編號懷蘇集

湖州府志東坡嘗寫古木怪石書其後贈賈耘
老云今日舟中霜寒十指如懸槌適有人致嘉
酒遂獨飲一杯醺然徑醉念賈處士貧甚無以
慰其意爲作古木怪石一紙每遇飢時輒一開
看飽人否若吳興有好事能爲君月致米三石
酒三斗終君之世者當便以贈之不爾可令雙
荷葉收掌須添丁長以付之也雙荷葉賈侍姬
添丁賈之子事詳沈岱詩

題有美堂

自刊宸畫入雲端神物應須護翠巒吳越不藏千里色

斗牛常占一天寒。四簷望盡回頭懶。
萬象搜來下筆難。誰信靜中疎拙意。畧無蹤跡到波瀾。

庚溪詩話 錢塘吳山有美堂。迺仁宗朝梅摯公儀出守杭上賜之詩有曰：地有吳山美，東南第一州。梅以上詩名堂。士大夫留題甚衆。東坡倅杭因令筆吏盡錄之而未著其姓名。默定詩之高下。遂以賈收詩爲冠。因此與耘老游從。

和沈君與送蟹

彭越孫多伏下風。蝤蛑奴視敢稱雄。
江湖縱養膏腴紫。鼎鑊終烹爪眼紅。
嗍稱吳兒牙似鏽。譬慚湖女手如蕙。

獨憐盤內秋臍實不比溪邊夏殼空

齊東野語

舒煥

煥字堯文徐州教授

和蘇子瞻觀百步洪原韻

先生何人堪並席李郭相逢上舟日殘霞明滅日腳沈
水面浮光天一色磷磷石若鐵林兵翻激奔衝精甲白
岸頭旌旗簇五馬一艤飛艎信東下入夜寒生波浪間
汗衣如逐秋風乾相忘河魚元出沒得性沙鳥鳴關關

委蛇二龍乃神物游樂諸溪誠爲難築臺種柳恐不暇

天下龍雨須公還

苔溪漁隱叢話

顏幾

幾字幾聖錢塘人

獄中寄酒友

龜不靈身禍有胎刀從林甫笑中來憂惶囚繫二十日
辜負醺酣三百杯病鶴雖甘低羽翼罪龍尤欲望風雷
諸豪但是知心友誰遣尊罍向北開

句

白日尊中短青山枕上高

春渚紀聞錢塘顏幾聖俊偉不羈性復嗜酒無
日不飲東坡先生臨郡日適當秋賦幾於場中
潛代一豪子劉生者遂魁送舉子致訟下幾吏
久不得飲密以詩付獄吏送外間酒友吏以呈
坡坡因緩其獄會赦得免一日醉臥西湖寺中
起題壁云云不數日而卒

袁轂

轂字公濟鄞人試秩館職首薦與東坡倡和

次韻劉景文登介亭

東南富山水所病在卑溽陰晴變朝暮梅雨大田足翰
苑宴高堂金筭浮蟻綠清冷四座耳醉飽五經腹亭午
登介亭紫紆俯山麓行路愁暎死是月丁初伏乘高瞰
羣峯前後浪奔逐三吳在指掌百粵入雙目漢憂分朱
轔堯意注黃屋下輿曾未幾傳命甚郵速霸遂伏下風
元白仰高躅倡余而和汝談笑唾珠玉所恨繼者貧囊
箱無寸幅劉侯世良將文史三冬讀坐嘯邊騎卻行歌
燕旦哭儒將久寂寥斷弦今日續所得最在詩鋟利鋒

莫觸唱酬黃卷上如響答空谷王侯富方丈熊掌我所欲獨餕不得飽中心但誠服王梅溪蘇詩集注

許仲蔚

仲蔚字子均杭之新城令曾和東坡十韻詩

杜公井

井在新城唐大順間淮南楊氏遣兵圍城乏水民穿井百餘尺不得泉杜棱至

誠請之泉立至城得不陷人目爲杜公井

德地見圖牒神機發杜棱寇圍炎甚火壺渴冽于冰古邑桑田換雲源鑑面澄如今風月夕煮茗詫山僧

咸淳
臨安

志

何去非

去非字正臣浦城人累舉對策稱旨授左班殿
直武學博士後以東坡薦授承奉郎司農寺丞

通判廬州有集

次韻翟公巽猩猩毛筆

貌妍足巧語軀惡招歎歎賦形具人獸寧脫荆榛居肉
嘗登俎鼎餉餽傳甘腴失計墮醉鄉顛躡無與扶柔毫

傳束縛航海歸仙灑浴質逸少池搞藻知章湖殺身固
有用賦茅從衆狙坐令宣城工無復誇栗鬚宣城出栗鼠鬚也

文房甲四寶萬兔慙蒙膚數管友十年閉門賦三都之
子信豪邁嗜學每致劬未冠游膠庠已推經行儒蓬山
天祿閣崢嶸凌碧虛期予早登躡同舍校魯魚墨莊漫錄

何頑之

頑之字斯舉黃岡人從蘇黃學

日琯按道山清話作頑之

觀李伯時題閣立本西域圖

窮荒未信子年欺
自笑山林老一枝
海上嘗思龜殼卷
天涯欲化鳥工窺
丹青閣令如曾到
風俗張騫舊獨知
公喜著書尤博雅
山經暇日補殘遺

能改齋漫錄

句

身到瀛洲須命好官稱庾氏莫言卑

寄錢仲監倉壁事類後集合

長安古碑用樂石蠶尾銀鉤擅精密缺訛橫道已足哀
況復鐫裁代甄甓有如天吳及紫鳳顛倒在衣吁可惜

道山清話天聖中詔營浮圖姜遵在永興毀漢唐碑之堅好者以代甄甓何斯舉詩云云

邵迎

迎高郵人登進士

水燕談邵迎高郵人博學強記尤長於詩爲人恭儉孝友長於吏事而清羸多病奇蹇不偶登進士十餘年官止州縣窮死無嗣其妻困苦子瞻哀之集其文爲之引以爲原憲之貧顏同之短命揚雄之無子馮衍之不遇皇甫士安之篤疾彼遇其一人猶哀悼而君兼之非命也哉

句

鹽豉調羹金液膩橙壅薦鱠玉絲肥

蟹畧

王祐

祐官禮部侍郎出守長沙奉詔禱南岳訪魏夫人壇得異人率子廉東坡作率子廉傳

贈率子廉

下瞰虛空臨絕澗上排煙霧倚山巔四邊險絕無緩鳥
獨臥深雲二十年能改齋漫錄

朱炎

答講僧

四大不須先後覓六根還向用時空難將語默呈師教

只在尋常語默中

苔溪漁隱叢話東坡言從上人爲余言有節度
判官朱炎學禪久之忽於楞嚴經若有得者問
講僧義江云此身死後此心何在江云此身未
死此心何在炎良久以偈答云云師可之

劉賓

賓官至太傅

郢州白雪樓

江上樓高十二梯梯登偏與白雲齊人從別浦經時去
天向平蕪儘眼低寒色不堪長黯黯秋光無奈更淒淒

闌干曲盡愁無盡水正東流日正西

皇朝類苑郢州白雪樓素多題咏一日守倅燕集是樓方命坐客賦詩時劉太傅賓以恙羈置是郡不得預會遂使人持詩以獻才致蕭散一坐爲之閣筆

朱適

句

燒殘紅燭客未起歌斷一聲塵繞梁

補夢溪筆談朱適高郵士人納婦之夕夢爲詩兩句不踰月卒

侯穆

穆字清叔汝陽人

寒飲梨花下

共飲梨花下梨花插滿頭清香來玉樹白蟻泛金甌妝
靚青娥嫉妒光凝粉黛羞年年寒食夜吟遼不勝愁

雲齊廣錄侯穆有詩名因寒食郊行見數少年
共飲於梨花下穆長揖就坐衆皆哂之或曰能
詩者飲乃以梨花爲題穆吟此詩衆客闇筆

陳智夫

智夫襄陽人長於歌詩遇異人授吐納之術佳

句多於夢中得之

句

花笑似留客鳥啼如喚人 野花臨水數枝恨芳草連

天千里情

遯齋閒覽

劉

郭

郭青州推官

諧謔詩

坐上若有一點紅斗筲之器飲千鍾坐上若無油木梳

烹龍庖鳳都成虛

迂齋詩話

胡志道

夜宿仙都山聞松聲作

仙都古洞天雲闕高嶼嶼新宮欣然成碧瓦燦鱗列我時宿琳房六月失煩熱松聲起中夜夢枕忽驚輟天籟鳴虛徐玉簫遙冷徹鳳歌諧律呂鶴舞想應節安知非羣仙宴罷搖佩玦從來箏笛耳一洗萬相滅仙都山志

黃帝祠宇李陽冰篆在縉雲山

李侯神仙才宇宙在其手古篆誇雄奇鐵柱貫金鈕標
榜黃帝祠字畫氣渾厚想當落筆時雲夢吞八九每傳
風雨夜蜿蜿龍蛇走光怪發巖竇草木潤不朽鬼物煩
搗訶一旦忽失守隨煙遽飛騰無復世間有因訪山中
人石刻尚仍舊誰能一新之易若運諸肘宋藝圃集

胡份

份字子文縉雲人官國子司業

仙都山

鳥道盤空上松根抱石生羽人分兩舍雞犬自聞聲

都仙

山志

李士舉

士舉官浙運使

過仙都徐氏山居

四海無塵戰馬閒稻梁桑柘綠迴環不知盡是君王力

華屋重重對好山

仙都山志

郭瑄

瑄官涇州監副

涇州懷古

危坡下盡見殘墉勢扼長川萬古雄涇水無泥分畎澗
回山有脈自崆峒唐文曾祀龍君廟漢武猶存阿母宮
更喜筆峯青翠處雨餘疑是畫圖中陝西通志

葉集之

送李道父辟大名司錄

李侯江南英身老自藏器讀書盡百紙落筆必千字況

兼熊豹姿特負縱橫志淒其望高躅異世猶一致大名
國北門自昔雄元帥名賢慎柬拔薦引必同類操持紀
綱地實藉循良吏要成百鍊剛小大須歷試合璧事類
後集

李膺仲

題自畫蘆雁

晚來無事理扁舟吹起騷人漫浪愁過雁飛鴻三兩字
淡煙寒日荻花秋聲畫錄

王山

山魏人

答盈盈長歌

東風豔豔桃李鬆花園春入屠酥濃龍腦透縷鮫綃紅
鴛鴦十二羅芙蓉盈盈初見十五六眉試青膏鬢垂綠
道字不正嬌滿懷學得襄陽大隄曲阿母偏憐掌上看
自此風流難管束鶯啄含桃未喫時便會郎時風動竹
日高一丈羅窗晚啼鳥壓花新睡短膩雲纖指擺還偏
半被可憐箇翠暖淡黃衫袖仙衣輕紅玉欄干粧粉淺

酒痕落腮梅忍寒春羞入眼橫波豔一縷未消山枕紅
斜睇整衣移步嬾才如韓壽潘安亞擲果竊香心暗嫁
小花靜院酒闌珊別有私言銀燭下簾聲浪皺金泥額
六尺牙牀羅帳窄釵橫啼笑兩不分歷盡風期腰一搦
若教飛上九天歌一聲自可傾人國嬌多必是春工與
有能動人情幾許前年按舞使君筵睡起忍羞頭不舉
鳳凰簫冷曲成遲凝醉桃花過風雨阿盈阿盈聽我語
勸君休向陽臺住一生縱得楚王憐宋玉才多誰解賦

洛陽無限青樓女袖籠紅牙金鳳縷春衫粉面誰家郎
只把黃金買歌舞就中薄倖五陵兒一日憐新棄如土
雲零雨落正堪悲室入他人夢來去浣花溪上海棠灣
薛濤朱戶皆金鑠韋皋筆逸玳瑁落張佑盞滑琉璃
乾壓倒念奴價百倍興來奇怪生毫端醉眸覲紙聊
一掃落花飛雪聲漫漫夢得見之為改觀樂天更敢
尋常看花間不肯下翠幕竟日烜赫羅雕鞍掃眉塗
粉迨七十老大始頂菖蒲冠

薛濤壽七十始頂菖蒲冠學謝自然上升之術

至今愁人錦江口秋螢露草孤墳寒盈盈大雅真可惜
爾身此後不可得滿天風月獨倚欄醉岸濃雲呼佚墨
久之不見予心憶高城去天無幾尺斜陽銜山雲半紅
遠水無風天一碧望眼空遙沈翠翼銀河易闊天南北
瘦盡休文帶眼移忍向小樓清淚滴

弔盈盈

浮世繁華一夢休登臨因憶昔年遊人歸依舊野花笑
玉冷幾經墳樹秋風月過情須感慨江山多恨即遲留

如今縱擬誇才思事往情多特地愁

夷堅志魏人王山能爲詩標韻清卓因省試下第薄遊東海值吳女盈盈者來年方十六善歌舞尤工彈箏容貌甚冶詞翰清思翹翹出羣少年子爭登其門不惜金帛盈蓬簡嘉耦乃許一笑府守田龍圖召使侍宴山預賓列相得於樽俎之間從之驩處累月山辭歸盈垂泣悲啼不能自止明年寄傷春曲示山山作長歌答之云云又明年山適淄川遇王通判於郎舍出盈盈簡欲偕遊山東時方初夏山已病不克赴其約秋中再如山東盈已死山登岱岳至玉女池題詩於石弔之云云

王崇

崇字極之

送王才元入京

曰璐按王直方父名棫字才元

渭城楊柳已青青強駐行人聽渭城不問使車歸路遠
且從蘆酒滿杯傾相逢洮塞休兵後此去秦川照眼明
若立螭頭前借箸且教克國事春耕

王直方詩話王崇極之與先君同在熙河作詩
送先君入京云云先君誦其詩于吳沖卿丞相
由此知名

王禹錫

句

打葉雨拳隨手重吹涼風口逐人來

王直方詩話王禹錫行十六與東坡有姻連嘗作賀知縣春雨詩云云東坡云十六郎作詩怎得如此入規矩禹錫云是醉中作異日又持一大軸呈坡坡曰爾復醉耶

李孝伯

晚泊鳳凰驛次韻蔣穎叔

維舟亭下號三灣萬疊青山一水間偏愛澄江照天碧
飛來幾片白雲閒
錦繡萬花谷

唐 默

默字存中會稽人陸農師列爲上客每愛其詩

句

茅屋不聞雪紙窗宜讀書 山林誤採槍旗信卻怪枝
頭雪未消 莫似君家三十五時來不寄一行書送高
彥應

會稽志

黃嗣徽

題宋復古郎中畫山水

匣有瑤琴篋有書棲遲猶未卜吾廬主人況是丹青手
乞取生涯似畫圖

許彥周詩話嗣徽少年時讀書有俊聲不幸爲
後母訴于官隸軍籍王岐公宣籍得之聞其識
字使抄書一日觀宋復古郎中所畫山水使子
弟賦詩嗣徽亦請賦公頷之頃刻成一絕云云
公大嗟賞之及問知曲折以故人子奏於朝乞
以門客恩澤承務郎特補之命下之日暴卒

方澤

武昌阻風

江上春風留客舟無窮歸思滿東流與君盡日閒臨水

貪看飛花忘卻愁

西清詩話題華清宮一絕乃杜常作也武昌阻風一絕乃方澤作也二人不以文藝名世而詩語驚人如此殆不可知矣

張
軒

句

山曉月初上江鳴潮欲來錦繡萬花谷

宋詩紀事卷三十

欽定四庫全書

集部

宋詩紀事卷三十一

詳校官給事中臣鄧文泮

侍讀臣孫球覆勘

總校官進士臣繆 琦

校對官典簿臣郭祚熾

謄錄監生臣葉世華

欽定四庫全書

宋詩紀事卷三十一

錢塘厲鶚撰

呂川

川字里未詳呂吉甫知維揚日賣詩于市

贈致仕郭朝儀

漫道任公釣有神六鼈無跡海生塵爭知靜臥南窗下

蘭菊任爭秋與春

陶朱新錄

張頌

頌字公美頴昌人舉進士不第

句

人散鞦韆閒挂月露零蝴蝶冷眠風塵史

徐 璇

璣字全父少年登科晚益流落終武義縣主簿

春日醉中作

時寓婺州清連寺

驚雷殷殷南山曲一夜山前春雨足美人睡起怯餘寒
衣褪香消紅減玉朝雲靄靄弄情態野柳狂風無管束

東風也自足春情吹破一溪烟水綠

泊宅編

薛紹彭

紹彭字道祖號翠微居士長安人定武帥薛向
師正之子米元章書畫友

雲頂山

山壓重峯首寺占紫雲頂西遊金泉來登山緩歸軫昨
暮下三學出谷已延頸山名高劒外回首陋前嶺躋攀
困難到賴此畫亦永巍巍石城出步步松徑引青霄屋

萬楹下俯二川境玉壘連金雁西軒列阡畛青城與岷
峨天際暮雲隱少城白烟裏水墨淡微影江流一練帶
不復辨漁艇東慚梓澤隘右喜錦川迴磐陀石不轉枯
枿弄芒穎四更月未出蕙帳天風緊客行弊帑垢到此
凡慮屏暫時方外遊聊愜素心靜明朝武江路拘窘逐
炎景

左綿山中多青松風俗賤之止供樵爨之用郡齋
僧利不見一本余過而太息輒諷通守晉伯移植

佳處使人知爲可貴東川距縣百里餘入境遂不復有晉伯因以爲惠沿流而來至此皆活作詩述

謝并代簡師道史君紹彭上

越王樓下種成行濯濯分來一葦杭偃蓋可須千歲幹
封條已傲九秋霜含風便有笙竽韻帶雨偏垂玉露光
免作爨烟茅屋底華軒自在拂雲長

和巨濟韻

通泉字法出官奴日日臨池恨不如雙鯉可無輕素練

數行惟作硬黃書鄉關何處三秦路馬足經年萬里餘
多謝玉華宮畔客新詩未覺故人疎

臨池通泉爲如字韻牽非實事也不

笑不笑

句

曾夢春塘題碧草偶來霧夕看紅蕖 晓露凝蕪逕斜
陽滿畫橋 不眠聽竹雨高臥枕風湍 去意已輕千
里陌深杯難醉九迴腸灞陵葉落秋風裏忍對霜天數
雁行

以上郁氏書畫題跋記

王 硎

穉字稚川與黃山谷倡和

書旅邸壁

雁外無書爲客久藝邊有夢到家多畫堂玉佩縈雲響

不及桃源欸乃歌

天祐任淵山谷內集注彭山黃氏有山谷手書此詩云王穉稚川元豐初調官京師寓家鼎州

親年九十餘矣嘗閱貴人家歌舞醉歸書其旅邸壁云云余訪稚川于邸而和之

蔣 擴

擴字充之

送鄧德甫

高談耳冷幾經秋
解后長沙得少留
莫畏洞庭風浪險
主翁元是濟川舟

范公稱過庭錄鄧璋德甫永州人鄉舉八行忠
宣謫永館門下教授諸孫後過長沙與故人蔣
充之遇蔣送詩云云蔣由是詩名播湖湘聞

呂由庚

由庚誨之子

句

地下若逢中執法爲言今日再昇平

聞見前錄神宗即位呂誨獻可擢御史中丞一日紫宸早朝司馬溫公爲翰林學士相遇朝路溫公密問曰今日請對何所言獻可舉手曰袖中彈文乃新參也溫公愕然曰王介甫素有學行奈何論言獻可正色曰君實亦爲是言耶安石雖有時名好執偏見不通物情喜人佞已置諸宰輔天下必受其禍矣未幾中書省置三司條例司始變祖宗舊法所用皆儉薄少年天下驕然溫公退居洛慨然曰呂獻可之先見吾不如也獻可出知鄧州病乞致仕溫公康節日就臥內問疾一日手書托溫公以墓銘溫公亟省之已瞑目矣溫公呼之曰更有以見屬乎獻可

復張目曰天下事尚可爲君實勉之後溫公相
天下再改元祐之盛獻可不及見矣溫公薨獻
可之子由庚挽詩云云

鄭景望

景望湘山人生元豐元祐間有蒙齋筆談

在潁州作

城頭曉漏鳴丁丁窗閒月落郤未明衡陽歸雁過欲盡
汝南荒雞初一鳴悠悠斷夢了不記草草微吟還獨成
人生得意須幾許一睡稍足無餘情

蒙齋筆談余每夜寐過分輒不能再睡展轉一
榻時聞鼠齒唧唧有聲亦是一樂事當門老僕
鼻息如雷間亦爲囁語或悲或喜或怒或歌聽
之每啟齒意其亦必自以爲得而余不得與也
常在潁州時初自翰林免官先君爲倅歸養居
後圃三間小室旁無與鄰左右惟一黠意汎已
如此嘗有詩云云

鄭周卿

周卿襄邑人公肅右丞之孫知鄆州中都縣

句

鶴歸空有恨雲散本無心 悼妾 許彥周詩話

楊萬畢

萬畢字通一淇州人

句

千里暮雲山已黑一燈孤館酒初醒

蔡寬夫詩史索寞之意盡于此矣

史 驥

驥字思遠

句

花分先後畱春久地帶東南見月多塵史

令狐挺

題相思河

鄜州北百里有相思河岸有郵置曰相思鋪

誰把相思號此河塞垣車馬往來多只應自古征人淚

灑向空川作逝波

墨客揮犀

魯千之

題崇明寺

心情稍覺難如舊勝迹依然日月新鶴怨猿驚嗟往事

再來山色似迎人

修武縣志

許元祐

風水洞

野寺依山立松橋避石斜壞梁飛白蟻枯木挂青蛇道
路悲蓬轉功名惜鬢華聊將洞中水試洗眼前花咸淳
志

周弁

臨海淨土院

一徑森森入翠微，翠微深處見禪扉。
倚雲殿閣光相照，蔽日松杉碧四圍。
竹引澗泉寒遠屋，雨蒸山靄潤侵衣。
十年遊宦今重到，景物依前舊識稀。
輿地紀勝

閣欽受

欽受官御史

宿瀛州高唐館

借問襄王安在哉，山川此地勝陽臺。
今朝寓宿高唐館，神女何曾入夢來。
漫叟詩話

閻伯才

句

魚貫羸師堪坐縛爾時可歎蜀無人

陰平橋 因學紀聞

張冕

冕官翰林學士

海棠

海棠栽植徧塵寰未必成都欲詠難山木瓜開千顆顆
水林檎發一攢攢自注大約木瓜林檎花初發皆與海棠相類但花稀而先葉耳惟山木瓜

水林檎尤似山木瓜
揚州有之楮木叢也

初疑紅豆爭頭綴忽覺燕脂

衆手丸西蜀人家根撥小南荆官舍樹枝寬高穿

羣木無因蔽平倚危樓最好看十畝園林渾似火

數方池面悉如丹錦袍萬丈仍連袂

自注白傳

珠被齊

光更合歡

自注楚辭

風嫋細腰妝正罷

自注楚宮

露晞銅雀

淚新乾晨曦遠借形雲暖秋魄微侵甲帳寒會讌豈

勞供幄幙採香應見費龍檀禮燒遊女青絲髮殷染妖

姬白玉冠賓席半移隈茜綬使車多熟簇雕鞍層層排

朶紫飛蝶密密交柯宿翠翰詩客早慙矜縷管畫工誰
敢銜霜紝本期相伴千場醉可憐輕邀百卉殘川路尚
移隨迅瀨蕃盤猶折出長瀾飄零絳雪深盈尺收拾晴
霞散結團時去獨應賢者識色空潛有達人觀譜爲仙

子終須美

自注花譜以海棠爲神仙王禹偁海仙詩序

實作寒梅况不酸

注

寒梅事具序中

五六年來離別恨春宵頻夢石臺盤

自注王石臺盤

在後園海棠下至今存焉

海棠譜

元溥

溥字泉卿宜興人號耘軒

歲後書懷

他鄉故鄉老若此
新歲舊歲窮依然
烹茶但有二升水
沽酒初無三百錢

咸淳金陵志

徐範

過太行山

路繞羊腸躡屐齊
萬山金碧總堪題
舉頭日月中天近
極目乾坤五嶽低
自笑鹽車駢驥厄
誰憐枳棘鳳皇棲

欲投古寺禪房宿喜見僧歸落日西

河內縣志

晁元忠

西歸

安得龍山一作湖潮駕回安河水水從樓前來中有美

人淚人生高唐觀有情何能已

復齋漫錄

徐評

評新城邑令

寧國院

岑寂千山曲紫紝一徑微樓臺青嶂合窗戶亂雲飛野
色侵僧衲池光射客衣偶來修更隱到此益忘機咸淳
志

周式

式成都人

句

花前嫫母醜雪裏屈原醒

庭松
代吟譜

珠簾繡戶遲

遲日柳絮梨花寂寂春

苔溪漁隱叢話

查許國

許國字匪躬海陵人官奉議郎僑居荆南

鳴弦峯在英州南虞舜南巡撫琴于此

木葉蕭蕭江水清幅巾藜杖遙山行忽然行到山深處
聽得鳴弦一兩聲

方輿勝覽

王觀國

觀國長沙人著學林

題北巖院

雲巖亂石激寒泉通夕泉聲到枕邊宛似昔年嚴瀨口

五更風雨宿溪船

南安縣志

陳古

過武侯廟

羣雄角逐自驅除邂逅真龍起畏途材並管蕭非亞匹
氣吞曹馬直庸奴兩朝冠蓋尊元老千載風雲屈壯圖
天欲鼎分終割據可憐憂國竟捐軀

成都文類

王潤之

潤之字德玉山陰人

寶林寺

支公曾駐錫規矩舊叢林飛鼠殿堂古靈鰐井穴深磬
聲來竹外塔影臥池陰幸有相知客時時過我吟越詠

王子思

表兄丁行之俾予作山水一軸

禿髮管城書不中麝煤滿硯隨輕濃烟雲變怪本無定
丹青故匪能形容解衣盤礴無人久妙跡于今復何有

揮毫要使真宰泣歎息初非癡絕手遼東有人丁令威
去家得仙今暫歸上界繁華異丘壑安得長林大麓長
追隨聯翩大軸要予寫敲冰不在鵝溪下吾旣不能爲
喬松直幹摩蒼天又不能爲小童一線飛紙鳶萬里江
山入平遠映取畫師閻立本

何源秀才爲余畫山水圖覓詩

孤峯特立何嶢嶢勢與霄漢高相參左蟠右列分嶺岫
儼如至尊朝子男怪予蝸室不函丈欲有異境超塵凡

素嫌挂壁故妥帖平地作此千嵌巖雲蒸霧結深莫測
長林大麓亂不芟想當變怪蟄龍虎中有窟穴誰能探
將崩未崩江動石欲去不去風滿帆山坳林缺見天際
隱約萬里橫煙嵐嗟予質性素山野視此丘壑心益耽
斗升之粟真秣塗野馬垂耳就轡銜西山爽氣日在望
吏卒侍側嚴若監青鞶布韁棄不著誰令自苦披青衫
頗羞漁父駐短櫂似笑大夫新被讒寄言鳥獸儻可侶
吾將從汝棲林巒

以上聲畫集

陳遠

長橋玩月

世間八月十五夜何處樓臺得月多不及吳江橋上望

水晶宮殿揖嫦娥

吳江縣志

曾晦之

晦之南豐人

次唐彥猷顧亭林韻

煙雨三家市黃門卜此居著書千紙在祠宇幾椽疎潮

汐成今古牛羊有里墟舉兵鉏逆節風烈照無餘至元嘉禾

志

蘇文饒

文饒官大監

鴻溝

置俎均牢彘
巍冠信沐猴
方矜几上肉
已墮幄中籌
海岳歸三尺
衣冠闕一丘
路人猶指示
上下是鴻溝

春晚

芳草莫尋遊處跡好花空認折殘枝啼鶯似怨歸何速
舞蝶應憐出太遲

以上後村千家詩

傅子容

題楊汝士玉蘂帖

比瑒更攀總未佳要須博物是張華因觀異代前賢帖
知是唐昌玉蘂花

高齋詩話唐人題唐昌觀玉蘂花詩云一樹瓊
鬢玉刻成飄廊點地色輕輕女冠夜覓香來處
唯見階前碎月明今瑒花即玉蘂花也介甫以
比瑒謂當用此瑒字蓋瑒玉名取其白耳魯直

又更其名爲山礬謂可以染也盧陵段謙叔多聞士也家藏異書古刻至多有楊汝士與白二十二帖云唐昌玉藥以少故見貴耳自來江南山山有之土人取以供染事不甚惜也則知瑒花之爲玉藥無疑矣傅子容見此帖乃作絕句云云

鄭猶

詠王子安應城新亭

一簪華髮一牀書盡日新亭適意無莫道長安天樣遠長安自不厭江湖

前年諫獵出長楊乞得新亭作醉鄉好把青衫送酒榼

從教人識御爐香

侯鯖錄

宋 翰

題涪陵郡

錦繡洲猶在熊羆夢已無文風齊兩蜀仙洞接三都白
石從天設青崖見地圖荔支妃子國不復曩時輸方輿勝覽

傅 翼

翼永豐令

猿嶠在建昌軍新城縣

參差茅屋帶村煙驛路崎嶇石岸邊風物盡成三谷景
溪山分斷七閩天夜緩乘月悲霜樹秋石和雲瀉澗泉
謝守來遊已千載何人能爲續佳篇輿地紀勝

史 沈

沈早登進士第坐事遷謫而死平生好持人短
長世以凶人目之雖古人亦妄肆訾訾云

題琵琶亭

坐上騷人雖有淚江邊寡婦不難欺若使王涯聞此曲

織羅應過賞花詩

賓退錄

李冲元

過姑孰作

琉璃萬頃碧如堆
畫棟連雲戶牖開
晴嶂勢吞三楚盡
暮潮聲帶九江來
六朝寂莫惟流水
孤壘荒涼只舊臺
惆悵騎鯨人已老
夜船空棹月明廻

輿地紀勝

房 偉

訪古

訪古城西話劫灰子雲相如安在哉成都萬事變亦盡
惟有石筍雙崔嵬

成都文類

馬彝

次吳江驛

蘭舟東下泊吳江暫寄郵亭看渺茫曾望舊蹤追感歎
季鷹前事入思量當軒雨過峯巒秀隔岸風來橘柚香
散髮未能歸未遂鱸魚時節負秋光

吳江縣志

柳伯達

題濮公仙洞

昔日何人占弋山，波光嵐翠照淮灣。
佩蘭隱者今何在，煉石仙人去不還。
綠水渡頭空自急，白雲嶺上至今閒。
高峯張令祠邊望古井，荒城半草間。汝寧府志

何 泳

送成都護戎韓舍人

戎符重析引絲言，慎簡長才護外藩。
三戟傳榮存北第，二城分職俯南原。
嚴墀密侍親中扆，危棧前驅屬左鞬。

江泊夜聲頻度枕山行晴碧互迎軒歌驪暫愴朋遊遠
叱馭都忘暑氣煩仄席正求詩禮帥詔歸非久俟東轍

成都文類

范祥

送成都護戎韓舍人

全蜀兵符重霄宸注念勞臨戎號人傑分組得時髦軍
府威名播齋壇世闢高厯橋題駟馬揚旆啟三刀矍鑠
前謀大澄清此志豪忠臣希子貢民頌繼王褒臘市繁

千蓋春江漲萬艘浣溪雲粉薄公暇廢援毫

成都文類

蔡若水

若水庫部員外郎

麻源靈豐祠

偶因乞雨到麻源碧澗縈紆亂石間未省謝公吟賞後
更誰乘月弄潺湲

麻姑集

王子韶

子韶字聖美太原人舉進士厯禮部員外郎哲

宗朝進祕書監拜集賢殿修撰知明州卒

神宗皇帝挽詞

寶餌方饑玉金盤忽造冰周人悲地拆杞國怨天崩杳
霧霾陰月鯢膏耿夜燈傷心歌舞妓灑血望西陵

脫屣人寰忽上天投淵果熟會羣仙帳宮雲暝龍爲駕
綬幄天寒鶴記年萬里出師輕衛霍一朝行事付談遷
功名半古升遐早獨抱遺弓涕泣然

楊公彥齡筆錄

閻伯敏

朝雲峯巫山十二峯之三

山頭行雲自朝朝
陽臺暮色連雲霄
朝來暮去變雲雨
送老行客無回橈

淨壇峯

山頭枝枝竹埽壇
舟子竹枝歌上灘
炷香上廟擲杯琰
但乞如願舟平安

起雲峯

釵頭娟娟山花枝
席尾舊纈山麻衣
朝隨雲起採薪去

暮趁女伴穿雲歸以上全蜀藝文志

陳純

純字元朴莆田人游桃源與三仙女倡和

中秋月和桃源夫人

仙源嘗誤到羈思正蕭然秋靜夜方靜月圓人更圓清
尊歌越調仙棹泛晴川幽意知多少重重類楚綿詩話總龜

饒師道

師道南城人

遊麻姑山

拂曉旌幢遠訪真洞中和氣一番新爭迎謝守同遊客
盡是方平舊會人山峭亭臺多占月地靈風物只如春
清歡何必笙簧助自有紅泉碧澗鄰輿地紀勝

閻孝忠

題黃相山

東帶連山接五年西分郴水下三湘路人到此休南去
嶺外千峯盡瘴鄉

錦繡萬花谷

查仲本

溫泉 在重慶府城北

浴罷臨泉一整冠
令人搔首憶長安
御湯搖蕩雙龍影
疑是羣羌簇馬鞍
錦繡萬花谷

宋詩紀事卷三十一

欽定四庫全書

宋詩紀事卷三十二

錢塘厲鶚撰

許景衡

景衡字少伊溫州瑞安人元祐元年進士高宗朝官至御史中丞遷尚書左丞罷爲資政殿學士提舉洞霄宮卒謚忠簡有橫塘集

寸碧亭

杖履尋常行樂處不論小逕與幽亭誰知蒼莽千峯外

尚有仙山一點青
東甌詩集

登仙巖寺

龍穴梅潭抱嶺斜
憶曾同試雨前茶
稍須林壑開雲葉
便倩兒童汲井花
一別仙山空夢寐
三年邊塞走塵沙
合須覓片閒田地
鄰舍如儂有幾家
仙巖寺志

魯百能

百能吳興人元祐元年進士

醉仙崖

在秦州舊天水縣連鳳山

高倚青冥揖酒星
山崖誰作醉仙形
從來天地爲衾枕
應笑人間有獨醒

方輿勝覽

李 鷹

鷹字方叔，陽翟人。少以文字見知于蘇軾。元祐初，軾知舉，意在必得鷹以魁。多士及考章援程文以爲鷹無疑，遂以爲魁。既拆號，悵然出院。鷹竟無成，而卒有濟南集。

友人董耘饋長沙猫箇鷹以享太史公。太史公輒

作詩爲贊因箇寓意且以爲贈耳鷹卽和之亦以
寓自興之意且述前相知之情焉

節藏泥滓氣凌空薦俎寧知肉味重未許韋編充簡策
已勝絲委誑蛟龍短萌任逐霜刀重美榦須煩雪壤封
他日要令高士愛不應常共宰夫供

師友談紀

苔溪漁隱叢話李方叔稱范淳甫爲太史公以其爲國史修撰也

觀吳正獻真

次公不許畫麒麟孝宣妙選知名臣拜公之像想風度

乃是雲臺子顏之文孫元豐天子建原廟玉宇萬棟臨
端門累朝名臣儼冠劍列聖御坐開乾坤修廊祕殿鎖
春色彷彿音容皆駿奔相君相業皆元元旂常彝鼎定
書勛儀形在歿侍神考英氣靈凝天闕嗣皇方思服
闕
美欲考辟公觀列文君傳茲圖落人世世人遂得知
瑜璠吾知袁公固有後能平楚獄竟無冤召公甘棠猶
不伐衛武之德誰能諉君不見溫公之像滿人間願廣
此圖令並傳聲畫錄

寒食

千株密炬出嚴闈走馬天街賜近臣我亦茅簷自鑽燧
煨針燒艾檢銅人

娛書堂詩話此詩善述冷淡況味

飲襄陽沈氏家醉題侍兒小瑩羣帶

旋剪香羅列地垂綺紅嫩綠寫珠璣花前欲作重重結

繫定春光不放歸

墨莊漫錄

驪山歌

君門如天深九重君王如帝坐法宮人生難處是安穩
何爲來此驪山中複道連雲接金闕樓觀隱隱橫翠紅
林深谷暗迷八駿朝東暮西勞六龍六龍西幸峩眉棧
悲風便入華清院霓裳蕭散羽衣空麋鹿來遊虛市變
我上朝元春半老滿地落花人不帰羯鼓樓高挂夕陽
長生殿古生青草可憐吳楚兩醯雞築臺未就已堪悲
長楊五柞漢幸免江都樓成隋自迷由來流連多喪德
宴安鳩毒因奢惑三風十愆古所戒不必驪山可亡國

宋文鑑

遊寶應寺

雨後秋風入翠微
我來仍值晚涼時
山遮日腳斜陽早
雲礙鍾聲出谷遲
故國空餘煙冉冉
舊宮何在黍離離
興亡滿眼無人語
獨倚闌干默自知

詩林萬選

劉延世

延世字述之臨江人公是先生猶子少有盛名
元祐初遊太學不得志築堂講業名曰抱甕

自題墨竹

酷愛此君心常將墨點真毫端雖在手難寫淡精神

畫繼

翡翠

避人忽起鳴衣桁掠水飛來立釣磯靜處欲畱看不足

翠光點破夕陽歸

後村千家詩

和孫公索酒

紫貂寒擁鼻綠蠟細侵脣蓮燭當時事壺頭此日春

孫公

談園

種竹

梅蒸方過有餘潤竹醉由來自古云掘地聊裁數竿竹

開簾還當一溪雲歲時廣記

句

靜室焚香盤膝坐長廊看畫設衣行

孫公談圓劉述之句趣尚之高有如此者

王履

履字坦翁開封人元祐初從父景堯南郊恩爲

三班奉職元符上書編置新州入黨籍靖康初除相州觀察使扈駕被留死之

臨難歌曰琯按此歌宋史作李若水

矯首向天兮天卒無言忠臣效死兮死亦何愆

三朝北
盟會編

喻陟

賀岷州太守种誼破鬼章

周后持盈日戎夷負固年廟謀期必勝闡畧制於先不假天山箭行聞杕杜篇凱還俘馘獻圖像有凌煙

陝西通志

王純臣

賀岷州太守种誼破鬼章

黃塵匹馬捷書來且喜洮東破虜廻縱使濮西功第一

未聞生縛七渠魁

陝西通志

鄭至道

至道莆田人伯玉之孫元祐二年以雄州防禦
推官知天台縣爲政寬簡邑人悅服秩滿扳戀
因家于台今廣龍鄭乃其裔也

劉阮洞

采藥歸來世代賒
洞門方此掃煙霞
碧流清泚弄明月
翠巘高低飄落花
芳草已迷當日路
白雲空想舊人家
自慙不是浮觴侶
漫向人前醉帽斜

台州府志

王公亮

公亮字明遠

句

足穀醫還驗占桑夢已靈

王得臣廬史予弟光輔鄰臣郡以經行應詔元祐丁卯賜第歸未幾因出墮馬傷甚十一日而卒年四十八王公亮明遠挽詞云云衆咸推服

范子正

子正忠宣公純仁長子

鶴按范忠宣二子正平字子夷次正思字子默

范公稱過庭錄云六伯祖子正七伯祖子夷是子正爲忠宣長子史不載故佚其名

孔林

漢陵玉匣盡泰山銀海空干戈百世後獨究先聖宮樹有千年色門無數仞崇盛德包覆載遂順因所宗坐若

顏閔後頗聞鄒魯風撫膺感遺言零落涕霑胸 過庭錄

寄季顏師顏謫齊州

歷下故人今何在音書又已隔寒暄多年別後紛紛事
何日尊前細細論忍見風霜摧羽翮空教江漢鴻詞源

聖朝寬大超前古卽有恩光照覆盆

范公稱過庭錄六伯祖子正丞相長子有大才
博學年甫三十二而卒有文集百卷魯直爲跋
其後兵火集散亡而魯直集中此跋亦闕其畧
云士之學期于沒而不朽君子之道百世以俟
聖人故壽夭之際未嘗置言鳬鵠之短長故物
不能齊也雖然有連城之璧操之甚栗中道而

毀豈能使人無弊于心哉范子正余不及友也
予聞其人久得其言皆可傳後問其所遊則司
馬溫公愛之間其爲吏則年三十試吏單父方
使者剝膚椎髓取于民以自爲功子正以歲饑
獨捨單父民錢十九雖沒可以不朽矣或謂子
正父祖皆名世士自宜如此應之曰文王割烹
武王餌鼎叔旦舉而用之管蔡不食誰強之則
子正賢于人遠矣元祐二年三月庚午豫章黃
庭堅書

范致虛

致虛字謙叔建陽人元祐三年進士徽宗朝爲
尚書左丞靖康中知京兆府高宗卽位終資政

殿學士

汎松江

黛潑峯巒安用染鏡澄湖面不須磨已驚張翰鱸如玉
想見西施髻似螺目斷樓高知水闊雲開山盡見天多
吾家本是煙波主好律漁翁一曲歌

吳江縣志

趙宗印

宗印汾州孝義人少爲僧范致虛令還俗授河
東制置使提義兵所向輒下王師敗於富平慟

哭入華山不知所終

題佛刹

七十勞生西復東鄉關在念感飄蓬大遼半歲九分盡
全晉一年千里空周召已亡無善政蔡童雖死有餘風
華陰乞食商山去巖谷幽尋四老翁

封氏編年范致虛在長安措置兵馬招募諸色人借補官資宗印本姓趙汾州人題詩佛刹云
云安撫席益遣人追回與語大奇之薦之致虛令還俗爲節制參議宗印以僧爲一軍謂之尊勝隊以行童爲一軍謂之靜勝隊軍至陝州攻
奪潼關

劉 熊

燾字無言長興人誼之子元祐三年進士仕爲
祕閣修撰有見南山集

上庠錄元祐閒馬涓張庭堅等四人擅名太學
時號四俊劉燾湖州人年少亦自負初補太學
生聞而慕之以刺謁曰不識可當一俊否涓等
詭計以困之曰每誠當預爲一字限于程試中
用之善者乃預既而程試燾請字涓等曰第一
句用將字其時策問神宗實錄燾對曰秉史筆
者權猶將也雖君命有所不受而況其他乎後
果爲第一聞者服之因目燾曰換屍俊

同友人汎舟至仁王寺

青秧出水細於鍼嫩葉初齊綠未深又是一年春欲盡

杖藜乘興足幽尋

前賢小集拾遺

題召伯埭斗野亭

地勢如披掌天形似覆盤三星羅戶牖北斗挂闌干晚
色芙蓉靜秋香桂子寒更無山礙眼刺覺水雲寬

庚溪詩話此詩題梁間盡得斗野景物

罨畫溪

在長興

竹林深處杜鵑啼兩岸青青草色齊欲識人間真罨畫

朱藤倒影入清溪

湖州府志

宿華嚴院

夜宿霧山霧晨茹芝山芝年來嗜好衰但與青山宜登
臨意未愜出戶車已脂王事有期程愛山豈余私崎嶇
田野間食寢將安之天寒未落日稅駕忽在茲二山已
陳迹茲處尤新奇翠竹與黃花一一對山扉對景自忘
言若與予心期眠雲飽山色那得困與飢山僧喜我來
迎我畱新詩我有愛山癖山僧知不知

吳氏詩永

郭三益

三益字慎求常州人元祐三年進士仙居令靖
康間湖南安撫建炎初同知樞密院事

題仙居南峯寺藍光軒

山光竹影交寒輝下有碧浸吹漣漪沙痕隱隱白鳥去
石聲鑿鑿扁舟歸芝蘭發香禪味遠雲霧吐秀人家稀
須知春事不可挽杜鵑已遶林中飛吳禮部詩話

寒巖

道人棲碧山雲居在空曲十年海潮音外物緣已熟更
尋妙高頂超然具幽築古木挿空青寒筠抱巖綠時攜
貝藥書步入深林讀雲衣冷蕭條靜對含煙玉客來境
非喧客去境自足宵眠護神虎晝引穿花鹿庵中三昧
語藥我貪癮毒何當脫雙鳬藜杖追高躅天台山志

馬存

存字子才鄱陽人因慕徐節孝道德寓楚州卒
業于其門元祐三年進士爲越州觀察推官有

集

長淮謠

節孝先生作淮之水贈之子才答以長淮謠

長淮之水青如苔行人但覺心眼開湘江豈無水魚腹忠魂埋但見愁雲結雨猿聲哀浙江豈無水鷁革漂胥骸但見潮頭怒氣如山來孤臣詞客到江上何以寬心懷長淮之水遶楚流先生家住淮上頭黃金萬斛浴明月碧玉一片含清秋酒花入面歌一曲淮上百物無閒

愁

合璧事類前集

句

可憐一覺登天夢不夢商巖夢瞿郎

咏漢文帝 因學記聞

孫發

發字妙仲元祐三年進士崇仁尉

絕句

林亭長夏愛重陰來引茶甌一散襟忽去卻來蜂个个
自啼還住鳥深深能改齋漫錄

太史章

章德清人元祐三年進士

題宴坐石

白雲曾罩定中身
石上雲歸不見人
應有山神長守護

松風時爲埽埃塵

吳興藝文補

張 墓

墾字子厚武進人元祐三年進士甲科養親不
仕蘇軾薦爲校書郎不出崇寧初賜處士號卒

謚正素

蒙齋筆談正素處士清通遠畧不爲崖異賀鑄
最有口才好雌黃人物於子厚亦無閒言每折
節事之稱曰通隱先生

夢中作

楚峽雲嬌宋玉愁月明溪淨印銀鉤裏王定是思前夢

又抱霞衾上玉樓

紫薇詩話

送呂子進

籬鷗雲鵬各有程匆匆送別未忘情恨君不在蓬籠底

共聽蕭蕭夜雨聲

宋文鑑

宗澤

澤字汝霖婺州義烏人元祐六年進士靖康元年知磁州勤王兵起康王以澤爲副元帥建炎間累遷延康殿學士京城留守兼開封尹連結諸路義兵方剋日渡河力請上還京爲黃潛善汪伯彥所沮憂憤疽發背卒贈觀文殿學士謚

忠簡有集

華陰道上二絕

煙遮晃日初凝
雪日映欄斑
卻是花馬度急流
行小崦
柳絲如織暝人家

菅茅作屋幾家居
雲碓風帘路不紓
坡側杏花溪畔柳
分明摩詰輞川圖

詩說紀事楊用修云余嘗見石刻宗忠簡此二絕

至洛

都人士女各紛華
列肆飛樓事嘉政
恐皇都無此致
萬家流水一城花
以上宗忠簡公集

朱之純

之純華亭人元祐六年進士

自題谷陽園湖齋

平湖十頃水汪洋得意茅齋且屈藏園種小桃今結子
池栽翠芰更聞香六龜已兆千年瑞雙鶴看呈八月祥
居此翛然忘世味此心尤嬾去龍陽自注云子湖上治圃於桃根獲古龜六枚其小如錢雲間有仙鶴觀每歲中秋夜有仙鶴下觀因得名今余治圃谷水鄰其地至元嘉禾志

歐陽闢

闢字晦夫桂州靈川人從學於梅聖俞元祐六年進士任石康令

因學紀聞歐陽闢字晦夫桂州人東坡南遷至合浦闢時爲石康令出其詩橐數十幅注坡詩者以爲文忠之族非也

寄京師畫院待詔王公器

有唐畫癖唯王維自謂前身應畫師君今畫祖躡神奧權敵造化爭分持君今畫品到神處祖身再生何異疑宋唐相距更累代典型尚在寧少驟正恐聲名出祖上

況早力學工文詞曩吟佳句每記憶一字可買堪貧羸
天地兩間府萬物物圖繪畧不遺飛潛動植出把握
臻幽造妙窮豪絲顧堂陸室牆數仞直發門鑄深探窺
人間流落已足貴況蔑國手展設施景靈九殿初締構
九屏博選丹青奇睿旨屬君亟應命牡丹孔雀他無爲
雕闌醜石要傑怪議敢共事纔郭熙屏間散布十八種
爛然逼真生羽儀南徐西趙不復數宸翰點賜收高貲
慈聖光獻升仙際眸容將貌精者誰都城名輩皆縮手

君特奉詔趨宮闈重瞳背淚親瞻矚一筆立就難動移
上心中愜愈增慟金口由此皆歎咨禁庭內外曰唯肖
進秩一等躋官資聖表神蹤闕天上盛美空傳萬一知
考牧一圖最卓絕羊牛爾牧俱來思羊羣三百牛九十
角耳觸溼訛寢宜聚無鬪觸形甚澤馴擾畢來肱以麾
地從善利畜得所或闕升降或飲池牧人負餚荷蓑笠
可禦暑雨仍禦飢新蒸用足尚餘力博取禽獸雄與雌
紛紛事物已曲盡亡一不合無羊詩豐年富庶義亦備

舉目如在宣王時前視未有後鮮儼獨步詎肯容並馳
不見古人豈君恨但恨古人不見之琅玕碾軸蜀錦標
賢王寶祕輕瓊琦鉅公名卿競題跋鋒起議論誇淵微
我始鄰居久結好草廬對雪傳辱衰喬松瘦竹旁掩映
梅花半拆臨澗湄素琴橫榻書滿架綠瓶注酒傾椰卮
爐灰不識炭火燼坐擁絳褐我接離筵前凌亂舞六出
筆凍硯底方生澌女奴瞰窗不避冷青幕赤腳丫鬟垂
我無泉石營此景君畫雖巧令人悲十年遠別如夢寐

此圖出處嘗自隨去春京國重會合愈見極藝觀忘疲
矜我孜孜嗜益篤爲作秋江四鷺鷺芙蓉照波蔭寒菊
芟芟獵獵西風吹感君贈我瀟灑意意勸把釣江湖歸
煙瀾素濶無寸尺今縱見勸歸已遲君嗟五十眼力減
將亦謀隱長掩扉我擬更求冬月景知君老筆尚能揮

聲畫集

楊 肚

肚字持王閩人元祐六年進士終建寧軍節度

書記入黨籍

玉泉院荔支軒

曾觀荔支圖幾費丹青妝能紅能紫亦能綠不能寫作天然香曾讀荔支譜品品堪第一較量滋味論高低大抵聞名不聞實我疑真宰推化工安排百果分番紅杏梅桃李不足數先教碌碌隨春風錦囊玉液相渾淪百果讓作東南元別有真香與色味一時分付荔支軒廣羣芳譜

秦 觀

觀字少章觀弟元祐六年進士調臨安簿

曰璐
案宋

史觀弟觀字少章觀字少儀天祐任淵注陳後山詩云秦觀字少章從蘓公學任淵宋人當無誤今從之

和王直方夜坐

幃幔高深夜漏長頗從詩酒傲冰霜燭花漸暗人初睡
金獸無煙卻有香

王直方詩話少章初登第成親後和余夜坐詩
云云讀者無不笑其貧富之頓異

呈東坡先生

十里薰風菡萏初我公所至有西湖欲將公事湖中了
見說官閒事亦無

鶴林玉露東坡守杭守頤皆有西湖故頤川謝表云入參兩禁每玷北扉之榮出典二州輒爲西湖之長秦少章詩云云

鮑慎由

慎由字欽止處州龍泉人元祐六年進士徽宗朝除工部員外郎歷知明海二州卒有夷白堂

小集

雨餘

礎潤雨欲作好風每見先蕭蕭清入簾令我心灑然閉
門倦永夏枕書日昏眠快此風雨餘端如濯飛泉盆山
有佳趣草木更幽妍井華養文石香篆橫雲煙俯仰方
丈間勝事亦可憐永懷觸熟子我勞良獨賢宋文鑑

謝傅神蔡景直

馳譽丹青有古風筆端及我未宜蒙雲臺麟閣遙相望

枉寫褒公與鄂公

能改齋漫錄

夜坐

萬卷堆中種眼花睡魔亦厭夜深茶平生不草長門賦

豈有黃金送酒家

後村千家詩

與鄭公華自朐山鄰舟行

舟行有後先相去能幾許鏗轟金鼓聲見面不得語水

花來幽香岸柳過疎雨登艤各乘風解帆會聯浦閒攜

小龍團睡起就君煮

楊慎清暑錄

周行己

行己字恭叔永嘉人師事程伊川登元祐六年

進士官至祕書省正字有浮沚先生集

絕境亭

雲橫絕塵境峻巒若繩削羣山列培塿衆星分脈絡下
瞰萬瓦居縹缈見樓閣松風發天籟冷然衆音作晶晶
天宇清塵襟一澄廓

東甌詩集

周之深

之深長興人元祐六年進士

遊清果寺

西郊出郭未十里寺在白雲深處藏僧爲愛閒長閉戶
客來無路自迴廊近松古瓦落夜子傍水小池生暮光
指點依稀飯籮水不知何處問興亡吳氏詩永

鄭居中

居中字達夫開封人舉進士徽宗朝歷少保太
宰兼門下侍郎兼知樞密院事封燕國公進太

保堯贈太師華原郡王謚文正

挽顧學正公甫

可惜病相如誰尋封禪書雙親千里外一葉九秋餘風
露翻歸旐塵埃鎖故廬虎丘山下路會葬有鄉車
廣文官舍冷如冰幾歎朝衫脫未能忽買春田埋玉地
猶懸絳帳讀書燈佳名空綴仙都石妙偈爭傳海寺僧
一幅粉旌春水漫惜君誰不涕奔騰中吳紀聞

崔鷗

鷗字德符雍丘人徙陽翟元祐中第進士元符
末上書入邪等坐廢三十年靖康初擢右正言
以疾乞解官除直龍圖閣提舉嵩山崇福宮卒
自號婆娑先生有婆娑集

雪浪齊日記德符詩所謂食鱸老氣橫九州廬
山詩云遙知金刹近林表颺幡尾勝王閣詩云
小艇元從天上來白雲自向杯中落顧昌富文
物崔鷗陳恬猶爲下士
郡齋讀書志鷗長於詩清婉數腴有唐人風

都陽詩

記得詩狂欲發時鄱陽湖裏月明知無人爲覓桓伊笛
自卷秋蘆片葉吹

過庭錄

會節園梅花下作

去年白玉花結子深林間小憩藉清影低顰啄微酸故
人不復見春事今已闌繞樹尋履迹空餘土花斑

墨莊漫錄德符監西京洛南稻田務時中官容佐
掌宮鑰于洛邸僚事之唯恐不及獨德符不肯見
之容極銜之德符一日送容于會節園時梅花
已殘與客飲梅花下已而容奏陳以會節園爲
景華御苑德符初不知也明年暮春復騎羸馬
從老兵徑入園中梅下哦詩徘徊而去次日容

見地有馬跡問園吏以崔對容遂劾奏鶴徑入
御苑以此罪廢

秋日即事

秋草門前已沒鞭更無人過野人家離離踈竹時聞雨
淡淡輕煙不隔花

黃州道中

莫愁微雨落輕雲十里長亭未墊巾流水小橋山下路
馬頭無處不逢春以上墨莊漫錄

早秋雨霽圖

我離蜀山來赤日走東州奇峯作眼想一過神已留翩
翩宋公子新詩藹風流丹青見新韻瀟灑出林丘依微
萬里遙曠朗一雨收高雲杳褰開縞日明華秋風席映
山青眇眇行李幽得非送將歸色有離別憂念我山海
僻鍼砭不爲瘳目看孤鴻飛心已麋鹿游吾兒能扶犁
此情便可投勿言尺寸許是中有菟裘

與叔易過石佛看宋大夫畫山水

霜落石林江氣清隔江猶見暮山橫箇中只欠崔夫子

滿帽秋風信馬行

觀黃筌畫花

蒼顏白髮我雖陳見了青紅幾度新更向黃生毫末裏
全家看盡劖南春

淺淺紅顏與白腮臥枝斜禁抱新開何人與作春風面
誑得蜂兒日日來

和老人觀牧圖

作官畏人嘲胡孫騎牧牛卻離大江水還家整歸舟還

家此計不可移此樂勿令兒輩知行歌帶索拾遺穗耳
靜不復聞征鼙功名亦妄爾吾生去此將何之趁此青
草長自牧牛與羊不減九十頭何翅三百強沙平水淺
南山下千角萬蹄如此畫牛腰吹笛遡秋風不問人間
饗饒翁以上聲畫集

子石硯

石家有兒玉含晶噓爲雲氣吸爲晴純精與之相感并
孕育萬狀流千名黃昏鬼泣不忍聽且爲白鵝換黃庭

硯箋

海棠

渾是華清出浴初碧綃斜掩見紅膚便教桃李能言語
要比嬌妍比得無

海棠譜

潛心齋以下三首寄漫叟

雙扉掩餘香一榻下涼幔前人嗟不死萬古曠黃卷時
時擷英華一一詣微遠鼎食姑置之此味良不淺

止齋軒

我如萬斛船歲久腰已嬾誰能逐相師終日問手版去
謀一寸安輒被三尺挽憐公謝蠻觸鼓臥旗亦偃

丈室

此家英妙姿玉雪照冠冕新詩一何似鸞鵠見蕭散躡
屐往從之寧復念重趼以上苔溪漁隱叢話

早春偶題

曰璐按此詩又見林之奇拙齋集

寒風浙瀝鳴枯葦小鴨睡殘猶未起更教細雨結春寒
坐聽蕭蕭打窗紙石盆養蒲已抽翠雕斛裁花先弄紫

擁爐閉閣賦幽香未怕春冰生硯水

題績溪雪峯樓

題詩最高處不爲待人看記著今朝勝山明松雪寒上以

宋文鑑

婆娑園

在郊縣西鷗居此

晚禽噪竹百千翹殘菊橫枝三兩花好在山園養衰疾
風波不到野人家

河南通志

黃葆光

葆光字元暉，縣人。賜進士出身。崇寧初以薦

爲太學博士，擢侍御史，守處州。

贈孫至豐

勸農因到好溪頭，把酒相看憶舊遊。三十年來如一夢，

可憐空負釣魚舟。

容塘詩話：麗水孫薪至豐元祐中以明經擢第，授荊門軍教授。不赴，質性清介，意仕進與黃葆光爲太學舊游。宣和六年，黃出守處州，薪不脅詣郡謁見，黃約以勸農日會于洞溪僧舍。至期，薪以扁舟來會，黃贈詩云云。

晁詠之

詠之字之道說之從弟以蔭入官復登進士第

又中宏詞科第一除河中教授元符上書罷爲

京兆錄事以朝請郎提舉崇福宮卒有崇福集

曲洧舊聞崇寧初凡元祐子弟仕宦者並不得
至都城晁之道自洛中罷官回畱中年驛累日
以詩寄京師姻舊其結句云一時雞犬皆霄漢
獨有劉安不得仙語傳于時議者美之

壽星寺

石磴插青漢禪宮入渺冥歸雲侵客坐流水亂松聲天

近月逾白竹多山更青從來丘壑志不獨付孫登

咸淳
臨安

志

杭州思歸

丘壑情無盡田園興有餘何當厭澤國不奈憶吾廬庭
戶草應長江山水已踈何時整歸棹八月洞庭湖

杭州府志

句

旌旗太し三山外車馬長楊五柞中 柳外雕鞍公子
醉水邊紈扇麗人行

紫微詩話

岑象求

象求字巖起梓州人終寶文閣待制入黨籍

遊定林院

野闊蓮宮迥樓臺半倚山地連巴峽近門對漢溪灣柏
徑松煙溼巖房雨蘚斑白雲邀客住明月伴僧閒經梵
喧譁外香燈杳靄間勝遊或邂逅危構喜躋攀世路長
何極塵心久欲還轎車正催發緩步出重關

金蜀藝文志

程頤

頤字正叔顥弟元祐初以薦授崇政殿說書紹
聖中削籍竄涪州徙峽州卒入黨籍學者稱伊
川先生嘉定中追謚曰正封伊陽伯從祀宣聖
廟庭有伊川集

陸渾樂遊

東郊漸微綠驅馬欣獨往舟縈野渡時水樂春山響身
閒愛物外趣逸諧心賞歸路逐樵歌落日寒山上

河南府志

司馬槱

樞字才仲溫公姪孫元祐中舉賢良科調錢唐

尉有夏陽集

都齊讀書志才仲喜爲官體詩故世傳其爲鬼物所崇

閨怨

銷盡輕寒不自禁新愁唯向靜中深尋常曾入三更夢
咫尺空論萬里心人去鳳幃雲漠漠雁回珠箔日沈沈
春風洞口花常在只許劉郎一度尋前賢小集拾遺

遊富陽蛻龍洞憩池上

梅萼春前破松髯雨後滋石崖鳴野鶴竹塢竄香狸山
腳重重轉溪流活活遲殷勤窺洞府又到灌龍池

遊千頃山

在昌化縣上有龍潭廣數百畝禱雨輒應

欲爲龍池遊束裝戒蓐食雞鳴天未曙呼童蠟雙屐縈
迴溯寒溪砌礐凌亂石迢迢萬丈嶺宛轉蒼龍脊山高
吐朝氣恍不辨咫尺俯聽雷雨聲仰逐炤猱迹委蛇度
花塢綠淨草可席喜如出籠檻身輕飛鳥捷不辭雙足
因遠探蛟龍窟傳聞此山頂舊有滄海色邇來三十年

潭湫變枯荻至今應江潮尚有鷗鷺集至理竟未解對之空太息不如西湖遊揮篙汎瑤碧以上咸淳臨安志

遊九鎖

撩花踏水細尋香閒逐孤雲入翠岡九鎖已深看更好
七人相對話應長百年空向塵埃老五月聊乘洞府涼
可笑潛川狂道士未逢玉室與金堂

洞霄詩集

洛春謠

洛陽春水揚春風銅駝陌上桃花紅高樓疊柳綠相向

綃帳金鸞香霧濃
錦裘公子五陵客
拳毛赤兔雙蹄白
金鈎寶玦逐飛香
醉入花叢惱花魄
青蛾皓齒別吳倡
梅粉妝成半額黃
羅屏繡幕圍寒玉
帳裏吹笙學鳳皇
細綠圍紅曉煙溼
車馬駢駢雲櫛櫛
瓊藥杯深琥珀濃
鴛鴦枕冷珊瑚澀
吹龍笛歌白紵蘭席
淋漓日將暮君不見
灞陵岸上楊柳枝
青青送別傷南浦

古今詩統

遊佛日山淨慧寺

石冷苔生暈風高
竹度涼道人何處
去春色半滄浪

鐵網

珊瑚

句

身既事十主女亦妃九龍

嬾真子集同州登城縣有九龍廟只一妃耳土人云馮瀛王之女也司馬才仲戲題詩云云過客讀之無不一笑

司馬棫

棫字才叔櫟弟登進士第嘗應賢良以黨錮不

名有逸堂集

郡齋讀書志才叔詩雖纖豔比其兄稍莊雅

妾薄命自注近有里中舉子棄其妻者戲爲賦之

二月東風初不惡後園桃李先春落高堂去婦對花愁
君恩非輕妾命薄憶昔三星光在天煌煌車馬朱門前
結褵幸得事君子願託絲蘿千百年履痕纔偏君家地
相看已覺君心異門外新歡一破顏室中舊愛雙垂淚
妾心比玉自堅貞君眼如星到處明女子睽離泰山重
丈夫棄置鴻毛輕莫誇綠鬢紅顏好女色由來不長保

君不見灞上鑾輿祓禊回阿矯已向長門老

春晚獨遊鳳林園

紅英亂點綠苔錢
林影扶踈翠可憐
飛蝶惹殘花上露
戲魚搖碎水中天
金羈不見尋芳馬
蘭櫂空停載酒船
送盡春歸人亦去
鶯啼花發又明年

江干小雪

楓落吳江小
雪天三三兩兩
捕魚船蹇驢
瘦馬何方客
眼看風波不著鞭
以上前賢小集拾遺

趙鼎臣

鼎臣字承之衛城人自號葦溪翁元祐進士宣
和中以右文殿修撰知鄧州召爲太府卿有竹
隱畸士集

二蘇賢良硯

不見東坡老弟昆年年曲阜履猶存計功何必悲周鼎
會使詞林百怪奔硯箋

句

詞源江海浩奔忙句法風騷森出入古來此景歎經歲今夜誰家不倚樓

中秋待月以上雪浪齋日記

馬 珞

玲合肥人生元祐間

華嚴寺此君亭歌

次韻信安毛漸

八座鎮俗光文翁政閒鳴珂晚丁東邀賓尋勝遇郊郭最愛檀欒森梵宮虛簷新敞小亭峻幽徑靜掩閒門重修枝應待丹鳳集勁節只許青松同根蟠南借秦淮潤

影疎北露鍾山峯乃知景淡有真趣何必花豔羅雕櫳
放懷喜遂開口笑傳杯不覺酡顏紅談圍浩浩真意得
慕戰紛紛喜與濃人生倏忽猶逆旅少壯易失今衰容
得喪何須論塞馬用捨寧復驚夔桐逍遙齊物慕蒙叟
澹泊無生師大雄英游幸陪諸公後傾蓋夙已披懷胸
芝蘭亦既序蒙益切磋願使協于中佳章每出連戰勝
格調綽有先賢風顧予酬和不量力嗟哉寸莛撞巨鐘

梁君貺

春帖

東方和氣斗回杓龍角聲中轉紫霄聖主問安天未曉

求衣親護玉宸朝

宋藝圃集

吳則禮

則禮字子副富川人中復子以父澤入仕晚居

豫章自號北湖居士有北湖集

簡田升之時升之赴金陵

建業流風端可憐石城江色曉鮮鮮鳥窺漢節梅花底
雨溼柁樓春水邊霜髮讐書有東觀錦囊覓句屬南天
枯腸不飽大官肉我種芋魁今十年宋文鑑

絕句

華館相望接使星長淮南北已休兵便須買酒催行樂
更覓何時是太平

滿船買了洞庭柑雪色新裁白苧衫喚得吳姬同一醉

春風相送過江南

楊誠齋詩話尤延之嘗誦吳則禮此二詩

仰忻

忻字大貺吳興人徙永嘉以孝行稱元祐中郡
守鄭寘奏聞大觀二年敕贈將仕郎有永嘉百

題詩集

南湖

酒旗翻野色漁棹弄秋光百里荷花境曾圖入帝鄉

溫州

林 放

放字達本仙居人元祐中將上禮部以親死廬墓不果遂築草堂於東山隱焉左譽銘其墓

東山高臥

三間老屋青山幽清風灑灑寒颸颸脫巾坦腹臥其下
此身直與淵明儔老松飛翠落夏簟六月不暑涼於秋
人生百年一夢幻世間萬事空悠悠一聲野鶴忽驚醒
山爐活火茶煙浮

贈琴僧

霜林凋落雲影垂
朔風獵獵鼓寒威
偶來禪房訪虛寂
上人爲我彈金徽
此調悠悠泯千載
今日忽聞一嗟咨
上人所彈不在指
我亦非于耳聽之
霜天玉磬敲清曉
夜月秋聲動翠微
舉世紛紛愛箏筑
寂寥古意誰能知
過門不知鍾期子
慎勿汙漫調朱絲

以上台州府志

范純粹

純粹字德孺仲淹第四子以蔭仕元祐中厯寶

文閣待制知熙州紹聖中入黨籍徽宗朝鄂州

安置

句

慣處賤貧知世態飽諳遷謫見家風

風月堂詩話范德孺崇寧之貶與山谷倡和甚多有一聯云云可以識范氏之名節矣

林旦

旦字次中希之弟第進士元祐中歷太僕卿河

東轉運使

曲水亭

治平中宰定海作

巖澗抱山急傳觴何太頻迴看野客醉還笑濁醪醇漢
曲人方遠蘭亭跡易陳勞生無足校酣放即天真

射圃

百步開新圃彎弧注采正尊罍供樂事金鼓疊歡聲敏
手徒爲妙中心自要平何人能舉解觀堵定縱橫以上
乾道

四明圖經

蘇元老

元老字在廷眉山人東坡從孫舉進士官太常
少卿坐元祐黨累罷提點明道宮卒有九峯集

懷安官舍病起九日作

離菊今年折最繁統叢新
承上雕盤病知嘉節霜風冷
喜對高堂骨肉懽久廢笑歌
慵飲酒只聞兒女勸加餐
如何猛下藜牀去又逐鶴鴻振羽翰
古今歲時雜詠

冤亭下

畱題靈巖古詩十韻石刻在泰山

屈指數四絕四絕中最優此景冠天下不獨奇東州夜
月透巖白亂雲和雨收甘泉瀉山腹聖日穿崖頭大暑
不知夏爽氣常如秋風高松子落天外鐘聲浮祖師生
朗右古殿名般舟人巧不可至天意何所畱老生笑相
語此事常窮求移出蓬萊島待吾仙子遊

元祐庚午三月二十八日

東武王璞書 求古錄

蔡安持

安持字資中睢陽人

題靈巖寺

四絕之中處最先山園宮殿鎖雲烟當年鶴駄歸何處

世上猶傳錫杖泉

元祐壬申十月求古錄

李周


周元祐初直龍圖閣充陝西轉運使

華清懷古

琿戈鐵騎正縱橫環上羅衣血染腥蜀道歸來應悔禍

香囊特地泣娉婷

吾家居處本關西舊記遺蹤事不迷屢過華清無一字
恐人笑我不畱題元祐四年春二月驪山刻石



宋詩紀事卷三十二